

R<sup>Par. 14.</sup> <sup>B.</sup> La Haye ce 10<sup>e</sup> May 1663.

Monsieur. J'ay receu vostre depesche du 4<sup>e</sup> de ce mois, et ne scay presque plus que respondre pour ne point repeter ce que je vous ay desja escrit plusieurs fois en me plaignant avec vous des horribles lenteurs de l'Angleterre, ou si j'osois dire pis, et de la continuation des desordres d'Orange, que chaque Ordinaire me fait voir augmenter, a mon tres-grand desplaisir, puis que je n'y veoy pour encore aucun remede. Je veoy cependant avec satisfaction comme vous vous efforcez de pourvoir et parer a tout, et faites agir directement les Fermiers, en les assistant autant qu'il se peut par une lettre a M<sup>r</sup>. le Tellier, ou vous avez fait tres-prudemment de ne faire aucune reflexion ou mention de l'Arrest du Roy. Je seray bien aise d'apprendre ce que cela aura effectue, comme aussi le Memoire que vous avez envoye a Martinon pour Beauvergard, auquel je croy qu'il sera bien embarasse de respondre cathégoriquement, comme vous voyez qu'il l'a este a escrire ce dont vous m'avez envoye l'extraict. Mais j'ay peur qu'avant que vostre Memoire arrive, il n'aye desja assure la somme qu'il pretend de 20000<sup>l</sup>. par l'assistance,



est par les violences de cet Enseigne du Chastel, après quoy  
il luy sera faite de nous faire de belles responses et pro-  
testations a sa mode.

Je suis marrie de veoir par la lettre de Saurin que les Ca-  
tholiques R. n'ont pas deféré aux Conseils modérés que vous  
avez tasché de leur donner par vostre lettre. Mais il ne  
s'en fait point estonner en cette conjoncture, estans d'ailleurs  
animés comme nous voyons qu'ils le sont par ceux qui ne  
desirent que le trouble, pour y trouver mieux leur compte.

J'espere qu'enfin ces pauvres prisonniers a Avignon seront  
relaschéz, et m'en resjouis.

Je suis

Monsieur,

vos tres affectueux  
a vous faire service  
Henri Borasse














  
  
Monsieur

Monsieur Huygens, Chevalier, Seig.  
de Sijpescem, Beechem, Monichland. &c.  
Premier Conseiller du Prince d'Orange,  
et son Deputé en Cour de France. &c.  
A Paris.





*Faint handwritten text in cursive script, likely a letter or document fragment.*

